

**Жаңақала ауданында бейбіт жиналыстарды ұйымдастыру және өткізу үшін арнайы орындарды, оларды пайдалану тәртібін, шекті толтырылу нормаларын, олардың материалдық-техникалық және ұйымдастырушылық қамтамасыз етуге қойылатын талаптарын, пикеттеуді өткізуге тыйым салынған іргелес аумақтардың шекараларын айқындау туралы**

Батыс Қазақстан облысы Жаңақала аудандық мәслихатының 2020 жылғы 30 қыркүйектегі № 52-1 шешімі. Батыс Қазақстан облысының Әділет департаментінде 2020 жылғы 6 қазанда № 6410 болып тіркелді

Қазақстан Республикасының 2001 жылғы 23 қаңтардағы "Қазақстан Республикасындағы жергілікті мемлекеттік басқару және өзін-өзі басқару туралы" Заңына, Қазақстан Республикасының 2020 жылғы 25 мамырдағы "Қазақстан Республикасында бейбіт жиналыстарды ұйымдастыру және өткізу тәртібі туралы" Заңына сәйкес Жаңақала аудандық мәслихаты **ШЕШІМ ҚАБЫЛДАДЫ**:

1. Осы шешімнің 1-қосымшасына сәйкес Жаңақала ауданында бейбіт жиналыстарды ұйымдастыру және өткізу үшін арнайы орындар және оларды шекті толтырылу нормалары айқындалсын.
2. Осы шешімнің 2-қосымшасына сәйкес Жаңақала ауданында бейбіт жиналыстарды ұйымдастыру және өткізу үшін арнайы орындарды пайдалану тәртібі айқындалсын.
3. Осы шешімнің 3-қосымшасына сәйкес Жаңақала ауданында бейбіт жиналыстарды ұйымдастыру және өткізу үшін арнайы орындарды материалдық-техникалық және ұйымдастырушылық қамтамасыз етуге қойылатын талаптары айқындалсын.
4. Осы шешімнің 4-қосымшасына сәйкес Жаңақала ауданында пикеттеуді өткізуге тыйым салынған іргелес аумақтардың шекаралары айқындалсын.
5. Аудандық мәслихат аппаратының басшысы (С.Успанова) осы шешімнің әділет органдарында мемлекеттік тіркелуін қамтамасыз етсін.
6. Осы шешім алғашқы ресми жарияланған күнінен бастап қолданысқа енгізіледі.

Сессия төрағасы

Мәслихат хатшысы

K. Ешилов

З. Сисенгали

Аудандық мәслихаттың  
2020 жылғы 30 қыркүйектегі  
№ 52-1 шешіміне 1-қосымша

## **Жаңақала ауданында бейбіт жиналыстарды ұйымдастыру және өткізу үшін арнайы орындар және олардың шекті толтырылу нормалары**

<b>№</b>	<b>Елді мекен</b>	<b>Бейбіт жиналыстарды ұйымдастыру және өткізу үшін арнайы орындар</b>	<b>Шекті толтырылу нормалары</b>
1.	Жаңақала ауылы	"Достық" алаңы - Халықтар достығы көшесі (Халықтар достығы көшесінен бастап Женістің 30 жылдығы көшесінің қылышына дейін)	500 адамнан аспайтын
2.	Жаңақала ауылы	"Даңқ" саябағы – С.Бабажанов көшесі (С.Бабажанов көшесінен бастап А.Оразбаева көшесінің қылышына дейін)	200 адамнан аспайтын
3.	Пятимар ауылы	Орталық саябағы - Мәмен көшесі (Мәмен көшесінен бастап Астана көшесіне дейін)	100 адамнан аспайтын
4.	Көпжасар ауылы	Орталық алаң - С.Бисекенова көшесі (С.Бисекенова көшесінен бастап Ж.Баймұқанова көшесіне дейін)	100 адамнан аспайтын
5.	С.Мендешев ауылы	Автотұрақ алаң - Д.Нұрпейісова көшесі (Д.Нұрпейісова көшесінен бастап С.Мендешев көшесіне дейін)	100 адамнан аспайтын
6.	Қызылоба ауылы	Мәдениет үйі алаңы - Ж.Молдагалиев көшесі (Ж.Молдагалиев көшесінен бастап Құрманғазы көшесіне дейін)	100 адамнан аспайтын
7.	Жаңақазан ауылы	Мәдениет үйі алаңы - Қ.Мырзалиев көшесі (Қ.Мырзалиев көшесінен бастап Н.Бекесов көшесіне дейін)	150 адамнан аспайтын
8.	Бірлік ауылы	Мәдениет үйі алаңы - Тәуелсіздік көшесі (Тәуелсіздік көшесінен бастап М.Өтемісов көшесінің қылышына дейін)	100 адамнан аспайтын
9.	Жаңақол ауылы	Мәдениет үйі алаңы – М.Шоқай көшесі (М.Шоқай көшесінен бастап Абай көшесіне дейін)	100 адамнан аспайтын
10.	Мәстексай ауылы	"Жастар" саябағы – С.Мендешев көшесі (С.Мендешев көшесінен бастап Б.Момышұлы көшесіне дейін)	150 адамнан аспайтын

Аудандық мәслихаттың  
2020 жылғы 30 кыркүйектегі  
№ 52-1 шешіміне 2-қосымша

## **Жаңақала ауданында бейбіт жиналыстарды ұйымдастыру және өткізуге арналған арнайы орындарды пайдалану тәртібі**

1. Бейбіт жиналыстар бейбіт жиналыстарды ұйымдастыру және өткізу үшін арнайы орындарда өткізіледі. Пикеттеуді қоспағанда, өзге орындарда бейбіт жиналыстар өткізуге тыйым салынады.

2. Дәл сол бір жерде және (немесе) дәл сол бір жүргүй маршруты бойынша не дәл сол бір уақытта бейбіт жиналыс өткізуге бір мезгілде бірнеше бейбіт жиналыстарды ұйымдастырушы үміткер болған жағдайда, көрсетілген орынды пайдалану кезектілігін жергілікті атқарушы орган бейбіт жиналыстарды ұйымдастырушыдан тиісті хабарламаны немесе өтінішті алған уақытын негізге ала отырып айқындайды.

3. Бейбіт жиналыстарды бейбіт жиналыстар өткізілетін күні әкімшілік-аумақтық бірліктің жергілікті уақыты бойынша сағат 9-дан ерте бастауға және сағат 20-дан кеш аяқтауға болмайды.

4. Бейбіт жиналыстарды ұйымдастыру және өткізу үшін арнайы орындарды қоспағанда, дәл сол бір жерде дәл сол бір уақытта дәл сол бір объектіде екі және одан көп пикет өткізуге жол берілмейді.

Пикеттеу ұзақтығы, бейбіт жиналыстарды ұйымдастыру және өткізу үшін арнайы орындарды қоспағанда, дәл сол бір жерде дәл сол бір объектіде күніне екі сағаттан аспауға тиіс.

5. Бейбіт жиналыстарды ұйымдастырушы Қазақстан Республикасының 2020 жылғы 25 мамырдағы "Қазақстан Республикасында бейбіт жиналыстарды ұйымдастыру және өткізу тәртібі туралы" Заңының (бұдан әрі – Зан) 17 және 18-баптарында көзделген жағдайларда, жергілікті атқарушы орган өкілінің, құқық қорғау органдары қызметкерлерінің талап етуі бойынша, бейбіт жиналыстарға қатысушыларға осындай талапты орындау қажеттігі туралы ақпарат бере отырып, бейбіт жиналыстарды тоқтата тұруға немесе тоқтатуға міндетті.

Аудандық мәслихаттың  
2020 жылғы 30 қыркүйектегі  
№ 52-1 шешіміне 3-қосымша

## **Жаңақала ауданында бейбіт жиналыстарды ұйымдастыру және өткізу үшін арнайы**

### **орындарды материалдық-техникалық және ұйымдастырушылық қамтамасыз етуге**

#### **қойылатын талаптар**

1. Бейбіт жиналыстар өткізуді материалдық-техникалық және ұйымдастырушылық қамтамасыз етуді оларды ұйымдастырушы мен оларға қатысушылар өз қаражаты есебінен, сондай-ақ осы бейбіт жиналыстарды өткізу үшін жиналған және (немесе) берілген қаражат пен мүлік есебінен, егер Занда және Қазақстан Республикасының өзге де зандағында өзгеше белгіленбесе, жүзеге асырады.

2. Бейбіт жиналыстарды ұйымдастыруды және өткізуді:  
жаппай қырып-жою қаруын таратуды қаржыландырумен байланысты ұйымдар мен адамдардың тізбесіне және (немесе) терроризмді және экстремизмді қаржыландырумен байланысты ұйымдар мен адамдардың тізбесіне енгізілген жеке тұлғалардың және (немесе) занда тұлғалардың;

қызметі Қазақстан Республикасының заңында белгіленген тәртіппен тоқтатыла тұрган немесе оған тыйым салынған занда тұлғаның;

шетелдіктердің, азаматтығы жоқ адамдардың және шетелдік занда тұлғалардың қаржыландыруына тыйым салынады.

3. Жергілікті атқаруышы органның келісімінсіз бейбіт жиналыстар ұйымдастыру және өткізу үшін арнайы орындарда киіз үйлер, шатырлар, өзге де құрылыштар жағдайлар орнатуға тыйым салынады.

Аудандық мәслихаттың  
2020 жылғы 30 қыркүйектегі  
№ 52-1 шешіміне 4-қосымша

## **Жаңақала ауданында пикеттеуді өткізуге тыйым салынған іргелес аумақтардың шекаралары**

Жаңақала ауданында келесі объектілердің іргелес аумақтарынан кемінде 100 метр қашықтықта пикеттеуді өткізу шекаралары айқындалсын:

- 1) жаппай жерлеу орындары;
- 2) теміржол, су, әуе және автомобиль көлігі объектілері және оларға іргелес жатқан аумақтар;
- 3) мемлекеттің қорғаныс қабілетін, қауіпсіздігін және халықтың тыныс-тіршілігін қамтамасыз ететін ұйымдарға іргелес жатқан аумақтар;
- 4) қауіпті өндірістік объектілерге және пайдалануы арнайы қауіпсіздік техникасы қағидаларын сақтауды талап ететін өзге де объектілерге іргелес жатқан аумақтар;
- 5) магистральдық теміржол желілері, магистральдық құбыржолдар, ұлттық электр желісі, магистральдық байланыс желілері және оларға іргелес жатқан аумақтар.